

# საქართველოს რეგიონული განვითარებისა და ინფრასტრუქტურის სამინისტრო საავტომობილო გზების დეპარტამენტი

ქ. თბილისი

17 იანვარი, 2020 წელი

„საქართველოს რეგიონული განვითარებისა და ინფრასტრუქტურის სამინისტროს განმგებლობაში არსებული სახელმწიფო საქვეუწყებო დაწესებულების საქართველოს საავტომობილო გზების დეპარტამენტის სატენდერო და საკონკურსო კომისიების შექმნის შესახებ“ საქართველოს საავტომობილო გზების დეპარტამენტის თავმჯდომარის 2018 წლის 9 აგვისტოს №223 ბრძანებით შექმნილი სატენდერო კომისიის სხდომის

## ოქმი №2

საერთაშორისო მნიშვნელობის სამტრედია-ლანჩხუთი-გრიგოლეთის საავტომობილო გზის კმ38+000-კმ40+000 მონაკვეთის (ლოტი-3) სარეაბილიტაციო სამუშაოების სახელმწიფო შესყიდვის შესახებ

სატენდერო კომისიის თავმჯდომარე:

1. ირაკლი ქარსელაძე - დეპარტამენტის თავმჯდომარე.

სატენდერო კომისიის წევრები:

2. გიორგი წერეთელი - დეპარტამენტის თავმჯდომარის მოადგილე;
3. ალექსანდრე თევდორაძე - დეპარტამენტის თავმჯდომარის მოადგილე;
4. ლევან კუპატაშვილი - დეპარტამენტის თავმჯდომარის მოადგილე;
5. გიორგი ციხაძე - დეპარტამენტის თავმჯდომარის მოადგილე;
6. კარლო ლეკვეიშვილი - დეპარტამენტის ქონების მართვისა და ლოჯისტიკის სამსახურის უფროსი (პირველადი სტრუქტურული ერთეულის ხელმძღვანელი);
7. სალომე წურწუშია - დეპარტამენტის იურიდიული სამსახურის უფროსი (პირველადი სტრუქტურული ერთეულის ხელმძღვანელი);
8. დავით კალაძე - დეპარტამენტის საპროექტო სამსახურის უფროსი (პირველადი სტრუქტურული ერთეულის ხელმძღვანელი);
9. პავლე გამყრელიძე - დეპარტამენტის ინფრასტრუქტურის განვითარებისა და განვითარების პარტნიორებთან ურთიერთობის სამსახურის უფროსი (პირველადი სტრუქტურული ერთეულის ხელმძღვანელი).

სატენდერო კომისიის აპარატის წევრები:

1. ნათია ცხომიძე - დეპარტამენტის სახელმწიფო შესყიდვების სამსახურის უფროსი (პირველადი სტრუქტურული ერთეულის ხელმძღვანელი);
2. გოჩა მაღანია - დეპარტამენტის სახელმწიფო შესყიდვების სამსახურის უფროსის მოადგილე (პირველადი სტრუქტურული ერთეულის ხელმძღვანელის მოადგილე).

### დღის წესრიგი:

საერთაშორისო მნიშვნელობის სამტრედია-ლანჩხუთი-გრიგოლეთის საავტომობილო გზის კმ38+000-კმ40+000 მონაკვეთის (ლოტი-3) სარეაბილიტაციო სამუშაოების სახელმწიფო შესყიდვის მიზნით გამოცხადებული NAT200000725 ელექტრონული ტენდერის აუქციონის გარეშე(NAT) სატენდერო პირობებში ცვლილების შეტანის საკითხის განხილვა.

### მოისმინეს:

სატენდერო კომისიის სხდომაზე მოისმინეს ინფორმაცია, იმის შესახებ, რომ NAT200000725 ელექტრონული ტენდერის სატენდერო დოკუმენტაციის 4.1.1 პუნქტში, რომელიც ეხება პრეტენდენტის მიერ ფასწარმოქმნის ადეკვატურობის დასაბუთებას, დაშვებულია ტექნიკური შეცდომა და არასწორადაა ფორმულირებული და თავისი შინაარსით განსხვავდება კითხვარის აღნიშნული პუნქტის მოთხოვნისაგან, რაც საჭიროებს შესწორებას და იგი უნდა ჩამოყალიბდეს შემდეგი სახით:

„1. სისპ „ლევან სამხარაულის სახელობის სასამართლო ექსპერტიზის ეროვნული ბიუროს“ ან შესაბამის სფეროში სხვა აკრედიტებული პირის მიერ გაცემული დასკვნის საფუძველზე. პრეტენდენტმა აღნიშნული დასკვნის ღირებულება უნდა დაფაროს საკუთარი ხარჯებით და უნდა უზრუნველყოს მისი წარმოდგენა ერთიანი ელექტრონული სისტემის მეშვეობით.

2. ფასწარმოქმნის ადეკვატურობის დამადასტურებელი დოკუმენტით ხელშეკრულებით ნაკისრი ვალდებულებების შესრულების შესაძლებლობა უნდა დასტურდებოდეს, როგორც პრეტენდენტის მიერ დაფიქსირებული წინადადების ფასთან (ხარჯთაღრიცხვის ჯამურ ღირებულებასთან), ასევე ხარჯთაღრიცხვის ერთეულებთან მიმართებით.

3. ფასწარმოქმნის ადეკვატურობის დამადასტურებელი დოკუმენტი შედგენილი და გაცემული უნდა იყოს საქართველოს მთავრობის 2017 წლის 26 სექტემბრის N439 დადგენილებით დამტკიცებული "სამშენებლო სამუშაოების ხარჯთაღრიცხვის ფასწარმოქმნის ადეკვატურობის დადგენის მეთოდიკის" მოთხოვნების შესაბამისად.

ზემოაღნიშნულიდან გამომდინარე, საჭიროა NAT200000725 ელექტრონული ტენდერის სატენდერო პირობებში შეტანილ იქნას შესაბამისი ცვლილება და დაზუსტდეს სატენდერო დოკუმენტაციის 4.1.1 პუნქტის მოთხოვნა.

#### განხილეს:

სატენდერო კომისიამ განიხილა აღნიშნული საკითხი და იმის გათვალისწინებით, რომ უზრუნველყოფილ იქნას NAT200000725 ელექტრონულ ტენდერში (აუქციონის გარეშე) სატენდერო დოკუმენტაციის სიზუსტე, აუცილებელია მასში განხორციელდეს ზემოთ აღნიშნული ცვლილება.

სატენდერო კომისია ერთხმად დაეთანხმა ზემოაღნიშნულს.

#### დაადგინეს:

1. სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანებით დამტკიცებული ელექტრონული ტენდერის ჩატარების წესის მე-19 მუხლის მოთხოვნების შესაბამისად, წინამდებარე ოქმის განხილვის ნაწილში მითითებული ცვლილებების გათვალისწინებით, განხორციელდეს NAT200000725 ელექტრონულ ტენდერში (აუქციონის გარეშე) სატენდერო პირობების შესაბამისი ცვლილება და სატენდერო დოკუმენტაციის 4.1.1 პუნქტის მოთხოვნა ჩამოყალიბდეს კორექტირებული სახით;
2. დაევალოს სატენდერო კომისიის აპარატს, უზრუნველყოს საერთაშორისო მნიშვნელობის სამტრედია-ლანჩხუთი-გრიგოლეთის საავტომობილო გზის კმ38+000-კმ40+000 მონაკვეთის (ლოტი-3) სარეაბილიტაციო სამუშაოების შესყიდვის მიზნით გამოცხადებული NAT200000725 ელექტრონული ტენდერის (აუქციონის გარეშე) სატენდერო პირობებში ცვლილების შეტანა წინამდებარე ოქმის დადგენილებითი ნაწილის 1-ლი პუნქტის შესაბამისად.

სატენდერო კომისიის თავმჯდომარე:

ირაკლი ქარსელაძე




სატენდერო კომისიის წევრები:

გიორგი წერეთელი



ალექსანდრე თევდორაძე



ლევან კუპატაშვილი



გიორგი ციბაძე




კარლო ლევკიშვილი



სალომე წურწუშია



დავით კალაძე



პავლე გამყრელიძე



სატენდერო კომისიის აპარატის წევრები:

ნათია ცხომიძე



გოჩა მაღანია

